

I. DISPOSICIÓNS XERAIS**CONSELLERÍA DE ECONOMÍA E INDUSTRIA**

RESOLUCIÓN do 1 de xullo de 2011 pola que se publican os modelos de solicitude de certificación de empresas no que se refire aos sistemas que conteñan determinados gases fluorados de efecto invernadoiro.

Antecedentes.

1. Os Regulamentos (CE) n.º 303/2008 e 304/2008 da Comisión, do 2 de abril de 2008, estableceron os requisitos mínimos e as condicións de recoñecemento mutuo da certificación de empresas e persoal no que se refire aos equipamentos fixos de refrixeración, aire acondicionado e bombas de calor que conteñan determinados gases fluorados de efecto invernadoiro.

2. Os ditos regulamentos foron traspostos á normativa nacional polo Real decreto 795/2010, do 16 de xuño, polo que se regula a comercialización e manipulación de gases fluorados e equipamentos baseados neles, así como a certificación dos profesionais que os utilizan (BOE número 154, do 25 de xuño).

3. Na disposición adicional primeira do dito real decreto establécese que os certificados das empresas previstos nos artigos 8 e 9 dos regulamentos (CE) n.º 303/2008 e 304/2008 da Comisión, do 2 de abril de 2008, serán outorgados polos servizos competentes en materia de industria da comunidade autónoma.

4. Finalmente, o Decreto 100/2011, do 19 de maio, polo que se regula a distribución de competencias en materia de expedición de certificados para a comercialización e manipulación de gases fluorados e equipamentos baseados neles (DOG número 105, do 1 de xuño) establece que será competente para emitir os certificados de empresa previstos nos artigos 8 e 9 dos regulamentos (CE) n.º 303/2008 e 304/2008, da Comisión, do 2 de abril de 2008, a consellería competente en materia de industria da comunidade autónoma.

Consideracións legais e técnicas:

A Dirección Xeral de Industria, Enerxía e Minas é competente para resolver segundo o establecido no Decreto 324/2009, do 11 de xuño, polo que se establece a estrutura orgánica da Consellería de Economía e Industria.

De acordo con todo o indicado,

RESOLVO:

Aprobar o modelo de solicitude de certificación de empresas no que se refire aos sistemas que conteñan determinados gases fluorados de efecto invernadoiro que se inclúe como anexo I a esta resolución.

Contra esta resolución, que non esgota a vía administrativa, poderase interpor recurso de alzada ante o conselleiro de Economía e Industria no prazo dun mes contado a partir do día seguinte ao da súa publicación, de acordo co disposto na Lei 30/1992, do 26 de novembro, de réxime xurídico das administracións públicas e do procedemento administrativo común (BOE número 285, do 27 de novembro), modificada pola Lei 4/1999, do 13 de xaneiro (BOE número 16, do 19 de xaneiro, e BOE número 30, do 4 de febreiro).

Santiago de Compostela, 1 de xullo de 2011.

Ángel Bernardo Tahoces
Director xeral de Industria, Enerxía e Minas



XUNTA DE GALICIA
CONSELLERÍA DE ECONOMÍA
E INDUSTRIA

ANEXO I

PROCEDEMENTO CERTIFICACIÓN DE EMPRESAS NO QUE SE REFIRE AOS SISTEMAS QUE CONTEÑAN DETERMINADOS GASES FLUORADOS DE EFECTO INVERNADOIRO	CÓDIGO DO PROCEDEMENTO IN610A	DOCUMENTO SOLICITUDE
---	---	--------------------------------

DATOS DO/A SOLICITANTE:

NOME / RAZÓN SOCIAL		NIF / CIF	
ENDERZO		LOCALIDADE	PROVINCIA
CONCELLO	CÓDIGO POSTAL	TELÉFONO	FAX
CORREO ELECTRÓNICO			
NA SÚA REPRESENTACION		NIF	
EMPRESA DE INSTALACIÓNS FRIGORÍFICAS NÚM. *	EMPRESA DE RITE / CLIMATIZACIÓN NÚM. *	EMPRESA DE PROTECCIÓN CONTRA INCENDIOS NÚM. *	

* INDICAR SÓ O NÚMERO DE EMPRESA HABILITADA RELACIONADO CO CERTIFICADO QUE SE VAI SOLICITAR

TIPO DE CERTIFICADO

- ☐ **A** CERTIFICADO DE EMPRESA NO QUE SE REFIRE AOS EQUIPAMENTOS FIXOS DE REFRIGERACIÓN, AIRE ACONDICIONADO E BOMBAS DE CALOR DE CALQUERA CARGA DE REFRIGERANTES FLUORADOS.
- ☐ **B** CERTIFICADO DE EMPRESA NO QUE SE REFIRE AOS EQUIPAMENTOS FIXOS DE REFRIGERACIÓN, AIRE ACONDICIONADO E BOMBAS DE CALOR DE CARGA DE REFRIGERANTE INFERIOR A 3 KG DE GASES FLUORADOS.
- ☐ **C** CERTIFICADO DE EMPRESA NO RELATIVO AOS SISTEMAS FIXOS DE PROTECCIÓN CONTRA INCENDIOS E OS EXTINTORES QUE CONTEÑAN DETERMINADOS GASES FLUORADOS DE EFECTO INVERNADOIRO.

NO CASO DE QUE DESEXE VARIOS DOS CERTIFICADOS PROPOSTOS DEBERÁ PRESENTAR SOLICITUDES SEPARADAS

DOCUMENTACIÓN QUE ACHEGA

- ☐ **A** CERTIFICADO/S PERSOAL/AIS ACREDITATIVO/S DA COMPETENCIA PARA A MANIPULACIÓN DE EQUIPAMENTOS CON SISTEMAS FRIGORÍFICOS DE CALQUERA CARGA DE REFRIGERANTES FLUORADOS OU
- ☐ **B** CERTIFICADO/S PERSOAL/AIS ACREDITATIVO/S DA COMPETENCIA PARA A MANIPULACIÓN DE EQUIPAMENTOS CON SISTEMAS FRIGORÍFICOS DE CARGA DE REFRIGERANTE INFERIOR A 3 KG DE GASES FLUORADOS OU
- ☐ **C** CERTIFICADO/S PERSOAL/AIS ACREDITATIVO/S DA COMPETENCIA PARA A MANIPULACIÓN DE EQUIPAMENTOS DE PROTECCIÓN CONTRA INCENDIOS QUE EMPREGUEN GASES FLUORADOS COMO AXENTE EXTINTOR
- ☐ ÚLTIMO TC2 DA SEGURIDADE SOCIAL OU XUSTIFICANTE DE COTIZACIÓN AO RÉXIME ESPECIAL DE AUTÓNOMOS.
- ☐ XUSTIFICANTE DE LIQUIDACIÓN DE TAXAS. CLAVE 32.07.22.

A DOCUMENTACIÓN QUE NON SEXA ORIXINAL DEBERÁ ENCONTRARSE DEBIDAMENTE COMPULSADA

O/A SOLICITANTE DECLARA:

Que o persoal dedicado a actividades que requiren certificación pode ter acceso aos instrumentos e aos procedementos necesarios para o correcto desenvolvemento das ditas actividades.

Que se compromete a manter o cumprimento dos requisitos da certificación durante a vixencia da actividade.

OBSERVACIÓNS:

En cumprimento do disposto no artigo 5 da Lei orgánica 15/1999, de protección de datos de carácter persoal, infórmoo de que os datos persoais recollidos nesta solicitude serán incorporados ao ficheiro asociado a este procedemento. Se o desexa pode exercer os dereitos de acceso, rectificación, cancelación e oposición previstos na lei dirixindo un escrito a esta consellería como responsable do ficheiro.

LEXISLACIÓN APLICABLE

- Real decreto 795/2010, do 16 de xuño, polo que se regula a comercialización e manipulación de gases fluorados e equipamentos baseados neles, así como a certificación dos profesionais que os utilizan (BOE número 154, do 25 de xuño).
- Resolución do 1 de xullo de 2011 pola que se publican os modelos de solicitude de certificación de empresas no que se refire aos sistemas que conteñan determinados gases fluorados de efecto invernadoiro.

SINATURA DO/A SOLICITANTE OU PERSOA QUE O/A REPRESENTA

, de de

(Para cubrir pola Administración)

RECIBIDO

REVISADO E CONFORME

NÚMERO DE EXPEDIENTE

DATA DE ENTRADA

DATA DE EFECTOS

DATA DE SAÍDA

Xefe/a territorial da Consellería de Economía e Industria en



XUNTA DE GALICIA

ISSN1130-9229

Depósito legal C.494-1998

<http://www.xunta.es/diario-oficial-galicia>